

Na osnovu člana 67. stav 2. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva, donosi

## **NAREDBU**

### **O ZABRANI UVOZA U FEDERACIJU BOSNE I HERCEGOVINE I PROVOZA PREKO TERITORIJE FEDERACIJE BOSNE I HERCEGOVINE POŠILJAKA PAPKARA I PROIZVODA, SIROVINA I OTPADAKA PORIJEKLOM OD TIH ŽIVOTINJA, HRANE ZA ŽIVOTINJE I DRUGIH PREDMETA KOJIMA SE MOŽE UNOSITI ZARAZNA BOLEST SLINAVKA I ŠAP IZ BRAZILA (OBLASTI: RIO GRANDE DE SOL; SANTA CATARINA, PARANA, SAO PAULO, MINAS GERAIS, GOIAS, FEDERAL DISTRICT OF BRASIL)**

1. Radi sprječavanja unošenja u Federaciju Bosne i Hercegovine (u daljem tekstu: Federacija) zarazne bolesti slinavka i šap (Aphthae epizooticae) zabranjuje se uvoz iz Brazila (oblasti: Rio Grande de Sol, Santa Catarina, Parana, Sao Paulo, Minas Gerais, Goias, Federal District of Brasil) u Federaciju i provoz preko teritorije Federacije slijedećih pošiljaka:

a) živih papkara;

b) proizvoda, sirovina i otpadaka porijeklom od papkara, hrane za papkare i predmeta kojima se može unositi zarazna bolest, osim termički obrađenih konzervi mesa, sirovih koža soljenih morskom solju i tretiranih kalciniranom sodom ako su tako obrađene kože skladištene najmanje 30 dana prije utovara u mjestu porijekla i ako u općini porijekla koža i u susjednim općinama nije bilo slinavke i šapa za posljednja tri mjeseca, termički obrađenog masnog tkiva i vune prane u alkalnom vodenom rastvoru pri Ph vrijednosti 10, uz dodatak natrijum-karbonata Na<sub>2</sub>CO<sub>3</sub> u količini od 1,5 g na litar i sušene u zračnoj struji pri temperaturi od 80oC.

2. Sva izdana rješenja o veterinarsko-zdravstvenim uslovima za uvoz i provoz pošiljki iz tačke 1. ove naredbe stavljaju se van snage.

3. Ova naredba stupa na snagu danom donošenja, a objavit će se u "Službenim novinama Federacije BiH".

---

Broj 01-02-115/01 18. januara 2001. godine Sarajevo

---

Ministar prof. dr.Faruk Mekić, s. r.